



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

10.01.2025

25-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan TDYU Odob-axloq kodeksi qoidalari buzish holatlari kuzatilmoqda.

Jumladan, TDYU Xalqaro huquq va qiyosiy huquqshunoslik fakultetining N.I.Lobachevskiy nomidagi Milliy Tadqiqot Nijniy Novgorod davlat universiteti bilan qo'shma ta'lim dasturi doirasida o'qiyotgan 4-kurs talabasi Sa'dullayev Boxodir Oybek o'g'li 2024-yilning 21-dekabr kuni Fuqarolik protsessual huquqi fanidan Oraliq nazorati uchun o'qituvchi Xayrulina Asal Baxodirovna tomonidan qo'yilgan "40" ball texnik nosozlik tufayli platformada "0" ko'ringanligi uchun o'qituvchining ijtimoiy tarmoqdagi shaxsiy profiliga ish vaqtidan tashqari hamda o'qituvchining sha'niga putur yetkazuvchi so'zlar bilan xabar yozgan. Shuningdek, talaba dars jarayonida guruh talabalari tashabbusi tomonidan o'qituvchi bilan birgalikda rasmga tushishni rad qilganligi uchun A.Xayrulina qasddan bahoni "0"ga tushirganligini aytib, o'qituvchiga tuhmat qilib, unga nisbatan hurmatsizlik qilgan.

Bundan tashqari, talaba B.Sa'dullayev o'qituvchining shaxsiy hayotiga daxl qilib, A.Xayrulinaning opasi N.Axmedshinaga ham bo'layotgan voqealarni aytib, o'qituvchining ustidan arz qilgan va uni obro'sizlantirishga harakat qilgan.

TDYU Xalqaro huquq va qiyosiy huquqshunoslik fakulteti NNDU 4-kurs talabasi Sa'dullayev Boxodir Oybek o'g'li mazkur harakatlari bilan TDYU Odob axloq kodeksi 18-moddasi 1 va 2-xatboshisi (Xodim, talaba va doktorantlarning o'zaro munosabatlari), 23-moddasi 1-kichik xatboshisi (Dars mashg'ulotidan tashqari vaqtda muloqot qilish) talablarini buzgan.

Toshkent davlat yuridik universiteti Odob-axloq 18-moddasi 1 va 2-xatboshisi, 23-moddasi 1-kichik xatboshisi hamda universitetning Ichki tartib qoidolari 83-bandiga asosan,

**BUYURAMAN:**

1.TDYU Odob-axloq kodeksi 18, 23-moddalari talabalarini buzganligi uchun TDYU Xalqaro huquq va qiyosiy huquqshunoslik fakulteti N.I.Lobachevskiy nomidagi Milliy Tadqiqot Nijniy Novgorod davlat universiteti bilan qo'shma ta'lim dasturi doirasida o'qiyotgan 4-kurs talabasi Sa'dullayev Boxodir Oybek o'g'liga hayfsan e'lon qilinsin.

2.Fakultet dekanlari (D.Umarxanova, K.Hakimov, B.Musayev, Sh.Saydullayev, A.Babadjanov) mazkur buyruq mazmun-mohiyati talabalar e'tiboriga yetkazilishi ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

nojo'ya xatti-harakat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklatilsin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Katta yuriskonsult

A.TURSUNOV

